



Stanje muslimana između potpunog obožavanja i potpune ljubavi (Medina)

Hatib: dr. Ahmed ibn Ali el-Huzejfi

24. ševval. 1445. po Hidžri / 3. maj 2024.

Hvala Allahu, Koji mudro propisuje i savršeno stvara. Propisao je islamske propise i upotpunio ih, počeo je stvaranje i doveo ga do savršenstva, obasuo je Svoja stvorenja posebnim i općim blagodatima, uzvisio je, Svojom dobrotom, koga je htio, a unizio, Svojom pravednošću, koga je htio. Svjedočim da nema boga osim Allaha Jedinog, Koji nema druga, i svjedočim da je naš vjerovjesnik Muhammed, sallallahu alejhi ve sellem, Njegov rob i poslanik, najbolje i najodabranije od Njegovih stvorenja, neka su na njega, na njegovu porodicu, ashabe i one koji ih slijede Allahova milost, spas i blagoslov.

O vjernici i vjernice, Allahova neizmijerna mudrost i savršeni vjerezakon odredili su da poslije mjeseca ramazana dođu mjeseci hadža, kako bi musliman svoj duhovni put nastavio u imanskom ambijentu sličnom onome prethodnom, i kako bi neprestano bio u sjeni Božije milosti, i kako bi u njegovom srcu gorio plamen vjere i navirali vjerski osjećaji, tako da njegova povezanost s Gospodarom ne bude određena vremenskim i mjesnim povodima, nego potaknuta "žiškom" imana u njegovom srcu, bez obzira na različita stanja i vremena.

To je Božanska mudrost u propisivanju i savršenstvo u stvaranju. Slavljen neka je Onaj Koji je sve mudro propisao i sve savršeno stvorio i uredio! Ovo nas podsjeća na to da je kompletan život muslimana posvećen Allahu, kao što kaže Uzvišeni: "Reci: 'Klanjanje moje, i obredi moji, i život moj, i smrt moja doista su posvećeni Allahu, Gospodaru svjetova, Koji nema saučesnika; to mi je narađeno i ja sam prvi musliman.'" (El-En'am, 162–163)





Kada bi Poslanik, sallallahu alejhi ve sellem, noću ustajao na namaz, učio bi: “Ja okrećem svoje lice, kao pravi vjernik, prema Onome Koji je nebesa i Zemlju stvorio, ja nisam od onih koji Njemu druge pridružuju! Klanjanje moje, i obredi moji, i život moj, i smrt moja doista su posvećeni Allahu, Gospodaru svjetova, Koji nema saučesnika; to mi je naređeno i ja sam prvi musliman. Allahu moj, Ti si Vladar, nema boga osim Tebe, Ti si moj Gospodar, a ja sam Tvoj rob. Ja sam se o sebe ogriješio i priznajem svoje grijehе, pa mi oprosti sve moje grijehе, niko mi ih, osim Tebe, ne može oprostiti. Uputi me na najljepše ponašanje, niko me, osim Tebe, ne može uputiti na njega, i udalji me od ružnog ponašanja, niko me, osim Tebe, ne može udaljiti od njega. Odazivam Ti se i slijedim Tvoju vjeru, ustrajavajući u tome. Svako dobro u Tvojim je rukama, a zlo nije put prema Tebi. Sve moje ovisi o Tebi, Tvoje blagodati su mnogobrojne i uzvišen neka si. Od Tebe tražim oprosta i Tebi se kajem.”

Ove Poslanikove riječi upućuju nas na širi koncept i značenje ibadeta i obožavanja, i da oni nisu omeđeni određenom ibadetskom formom, niti su ograničeni na ritualnu pobožnost, niti su ograničeni vremenom i mjestom. Musliman živi ibadet u njegovoj punini, hrani se njegovim plodovima i uživa u njegovim baščama. On mu je jedini smiraj i jedino utočište.

Vjernik kompletan svoj život posvećuje Allahu: kada voli – voli radi Allaha, kada mrzi – mrzi radi Allaha, kada daje – daje radi Allaha, kada uskraćuje – uskraćuje radi Allaha. Sve što radi ili ostavlja čini s lijepim nijetom, a na taj način upotpunjuje svoj iman. Poslanik, sallallahu alejhi ve sellem, rekao je: “Ko bude volio radi Allaha, i mrzio radi Allaha, i davao radi Allaha, i uskraćivao radi Allaha, upotpunio je iman.”

Cilj vjernikovih djela je ostvarenje potpune predanosti Stvoritelju, izvršenje Njegovih naredbi i postizanje Njegovog zadovoljstva. Poseban je to stepen imana i visoka deredža predanosti (ubudijjeta), kada je Allah, džellešanuhu, najveća radost srca i najveća utjehа, a zatim i najveći i jedini cilj svih djela. To je moguće samo ukoliko je srce ispunjeno ljubavlju prema Allahu i ako ona upravlja njime.

Kada se plamen ljubavi prema Allahu rasplamsа u srcu, njegove iskrice “rasprše” se po tijelu, а na “zaljubljeniku” se pokažu njegovi tragovi. U ljubavnim pričama onih





koje je strast nadvladala i koji su žrtvovali sve na njenom putu, naći ćemo zadivljujuće primjere, iako je to samo ljubav stvorenja prema stvorenju, pa kako tek izgleda iskrena ljubav stvorenja prema Stvoritelju, ljubav iskrenog obožavanja? Allah, džellešānuhu, ovako opisuje ljubav vjernika prema Njemu: "Ima ljudi koji su umjesto Allaha kumire prihvatili, vole ih kao što se Allah voli, ali pravi vjernici još više vole Allaha." (El-Bekara, 165)

Allah, slavljen neka je On, najdostojniji je toga da srca ljubavljaju prema Njemu kucaju i da se tijelo u pokornosti Njemu pokreće, a dovoljno je da ljubav prema Allahu bude "vodič" ka Njegovom zadovoljstvu.

Ako analiziramo ranije spomenutu Poslanikovu dovu, kojom je počinjao noćni namaz: "Allahu moj, Ti si Vladar, nema boga osim Tebe, Ti si moj Gospodar, a ja sam Tvoj rob. Ja sam se o sebe ogriješio i priznajem svoje grijeh, pa mi oprosti sve moje grijeh, niko mi ih, osim Tebe, ne može oprostiti. Uputi me na najljepše ponašanje, niko me, osim Tebe, ne može uputiti na njega, i udalji me od ružnog ponašanja, niko me, osim Tebe, ne može udaljiti od njega", zapazit ćemo da je Poslanik, sallallahu alejhi ve sellem, u ovoj dovi, nakon pohvale i zahvale Allahu i traženja oprosta, molio Allaha da ga uputi na najljepše ponašanje i da ga udalji od ružnog ponašanja, što samo potvrđuje raniju konstataciju da obožavanje Allaha nadilazi obrednu formu i rituale i obuhvata čak i čovjekovu vezu s drugim stvorenjima, štaviše, lijepo ponašanje prema stvorenjima i ispunjavanje njihovih prava jedan je od najčasnijih oblika ibadeta i njegovih najvećih ograna.

Allahu moj, opskrbi nas ljubavlju prema Tebi i podari da Te iskreno obožavamo, uputi nas na pokornost Tebi, podari nam Svoj oprost, uputi nas na najljepše ponašanje, niko, osim Tebe, ne može nas uputiti, i udalji od nas ružno ponašanje, niko, osim Tebe, ne može ga udaljiti od nas.

Pozivajući nas da se opskrbimo onim što nam je potrebno za obrede hadža, a u kontekstu pojašnjenja vremena i mjeseci u kojima se obavlja hadž, koji dolaze nakon mjeseca posta, Uzvišeni Allah, u Svojoj mudroj Knjizi, ukazuje nam i usmjerava našu pažnju na posebnu i najvažniju vrstu opskrbe, i kaže: "I onim, što vam je potrebno





za put, snabdijte se. A najbolja opskrba je bogobožnost. I Mene se bojte, o razumom obdareni!" (El-Bekara, 197) Prije toga, u ajetu, kojim se propisuje post, Uzvišeni kaže: "O vjernici! Propisuje vam se post, kao što je propisan onima prije vas, da biste se grijeha klonili" (El-Bekara, 183), što je svojevrsna naznaka da je bogobožnost početak i kraj puta i vjernikova poputnina i "jahalica". Molim Allaha da mene i vas opskrbi bogobožnošću i uputi nas na ono što voli i čime je zadovoljan.

O vjernici i vjernice, jedna od mudrosti propisivanja hadža u određenim mjesecima, o kojima bismo trebali razmišljati u ovim danima, jeste da oni u ljudskim srcima potaknu veličanje Allahovih svetinja i poštivanje Njegovih obreda, jer kako god je Zakonodavac obredima dao prostornu svetost, isto tako dao im je vremensku svetost, a sve u cilju podizanja svijesti ljudi, u njihovim srcima i dušama, o važnosti i veličini hadžskih obreda.

Zbog toga su neki mjeseci hadža u isto vrijeme i sveti mjeseci, a to su cijeli mjesec zul-kade, cijeli zul-hidže, ili njegovih prvih deset ili trinaest dana, ovisno o tome koje mišljenje islamskih učenjaka preferiramo.

Prema tome, spomenuti mjeseci su mjeseci hadža i sveti mjeseci, čime se dodatno daje na važnosti i svetosti obredima hadža i u ljudskim srcima zasađuje poštovanje prema njima.

Nemoj ni pomisliti da uradiš nešto što će oskrnaviti tu svetost.

O vjernici i vjernice, nalazite se u veličanstvenim danima i blagoslovljenom i odabranom vremenu za činjenje dobrih djela, s čijih čistih izvora se napajate, i u blagoslovljenom gradu, čijom se sjenom štitite i u čijim dobrima uživate, i zato zahvaljujte Allahu i hvalite Ga na najljepši i najpotpuniji način, poštujujte i veličajte Njegove svetinje, slijedite Njegove naredbe i poštujujte svetost ovih dana i ovih blagoslovljenih mjesta.

Znajte da je ovo dan u kojem je preporučeno donositi što više salavata i selama na predvodnika svih ljudi i najbolje Allahovo stvorenje. Poslanik, sallallahu alejhi ve





"KOLIKO GOD ZNAČAJNA ULOGA HATIBA BILA ZA USPJEH NJEGOVE HUTBE,
NIŠTA MANJE NE ZAOSTAJE NI ODABIR TEME, ODNOSNO MATERIJJE
KOJU TOKOM HUTBE ELABORIRA." (PREPOROD)

HUTBE 

sellem, rekao je: "Najbolji vaš dan je petak, dan džume. Donosite u njemu što više salavata na mene, jer vaši salavati bit će mi predloženi."

